



JPA.800-1/6/4 ( 3 )

12 Mei 2020

Semua Ketua Setiausaha Kementerian  
Semua Ketua Jabatan Persekutuan  
Semua Ketua Setiausaha Kerajaan Negeri  
Semua Ketua Pengurusan Pihak Berkuasa Berkanun  
Semua Ketua Pengurusan Pihak Berkuasa Tempatan

YBhg. Tan Sri/Datuk Seri/Dato' Seri/Datuk/Dato'/Tuan/Puan,

### **MUAT TURUN APLIKASI MYSEJAHTERA DAN MYTRACE**

Dengan hormatnya saya merujuk kepada perkara di atas.

2. Sepertimana YBhg. Tan Sri/Datuk Seri/Dato' Seri/Datuk/Dato'/Tuan/Puan sedia maklum, Kerajaan telah memberi sepenuh komitmen dan fokus terhadap usaha membendung penularan wabak penyakit COVID-19 secara berterusan demi kesejahteraan rakyat dan negara.

3. Usaha membendung penularan wabak penyakit COVID-19 ini turut merangkumi pembangunan aplikasi-aplikasi telefon pintar seperti berikut:

- (i) **MySejahtera** - Aplikasi ini dibangunkan untuk membolehkan pengguna melaksanakan penilaian kesihatan sendiri bagi mengetahui risiko terhadap jangkitan COVID-19. Pada masa yang sama ianya membantu pihak Kementerian Kesihatan Malaysia (KKM) mendapat maklumat awal untuk mengambil tindakan yang cepat dan berkesan.
- (ii) **MyTrace** - Aplikasi ini dibangunkan oleh Kementerian Sains, Teknologi dan Inovasi (MOSTI) untuk membolehkan Kerajaan melaksanakan pengesanan kontak menerusi teknologi *Bluetooth*. Pengguna akhir bagi keseluruhan data bagi kedua-dua aplikasi MySejahtera dan MyTrace ini dikendalikan sepenuhnya dan dibawah tanggungjawab pihak KKM.

4. Berdasarkan pemantauan oleh Majlis Keselamatan Negara (MKN) dan KKM, peratusan penggunaan aplikasi-aplikasi di atas masih rendah khususnya di kalangan rakyat Malaysia. Peratusan yang rendah ini menjadikan Kerajaan sukar untuk mendapatkan maklumat yang tepat mengenai keadaan penularan COVID-19 dari kalangan rakyat Malaysia. Justeru, bagi menjayakan usaha kerajaan ini, semua penjawat awam digalakkan untuk mendaftar dan memuat turun aplikasi MySejahtera dan MyTrace dalam telefon pintar masing-masing untuk membantu dan memastikan ia dapat memberi impak terhadap usaha Kerajaan menangani penularan wabak COVID-19.


5. Sehubungan dengan itu, saya menggesa agar pihak YBhg. Tan Sri/Datuk Seri/Dato' Seri/Datuk/Dato'/Tuan/Puan memastikan setiap penjawat awam di kementerian/jabatan seliaan masing-masing untuk mendaftar dan memuat turun aplikasi-aplikasi tersebut.

6. Kerjasama daripada YBhg. Tan Sri/ Datuk Seri/ Dato' Seri/ Datuk/ Dato'/ Tuan/ Puan dalam memastikan arahan ini dipatuhi amatlah dihargai.

Sekian, terima kasih.

**“BERKHIDMAT UNTUK NEGARA”**

Saya yang menjalankan amanah,



**(DATUK MOHD KHAIRUL ADIB BIN ABD RAHMAN)**